

NAGODBA OKO KRIVIČNIH DJELA

Rješavanje konflikata umjesto svađe

ŠTA JE NAGODBA OKO KRIVIČNIH DJELA?

Nagodba oko krivičnih djela je moguća u svakoj fazi krivičnog postupka. Nalog za provođenje nagodbe oko krivičnih djela daje javno tužilaštvo ili sud **NEUSTART-u**.

- ... Nagodba oko krivičnih djela ima cilj da uspostavi nagodbu između okrivljenog i žrtve.
- ... Zajedno sa neutralnim regulatorom konflikta treba naći fer rješenje konflikta vansudski koje odgovara svim sudionicima.
- ... Kako bi se razgovor o nagodbi pripremio regulator konflikta vodi razgovore sa svim učesnicima (žrtvama i okrivljenima).
- ... Dogovor i rezultati nagodbe između žrtve i okrivljenog usljedit će u pismenoj formi.
- ... Regulatori konflikta šalju javnom tužiocu ili sudiji izvještaj o nagodbenom dogovoru i njegovom izvršenju.
- ... Dogovor u okviru nagodbe oko krivičnih djela vodi nakon toga sa velikom vjerovatnoćom ka obustavljanju krivičnog postupka.
- ... Ukoliko nagodba oko krivičnih djela bude neuspješna javno tužilaštvo ili sud će odlučiti o nastavku krivičnog postupka.
- ... Sa izuzetkom izvještaja regulatori konflikta su načelno obavezni na diskreciju.
- ... Sudjelovanje u nagodbi oko krivičnih djela je za sve sudionike dobrovoljno.

INFORMACIJA ZA OKRIVLJENE

U nagodbi oko krivičnih djela okrivljeni mogu riješiti krivično djelo koji im se stavlja na teret izvan sudskog postupka. Pretpostavka za uspješnu nagodbu oko krivičnih djela je

- ... njihova spremnost da se pozabave slučajem, njegovim uzrocima i posljedicama i da za to preuzmu odgovornost
- ... njihova spremnost za razgovor sa žrtvom i spremnost da nadoknade štetu
- ... da plate paušalni iznos troškova do maksimalno 250,- evra (ukoliko time nije ugroženo uzdržavanje).

U slučaju obustavljanja postupka nema upisa u krivični registar, nego samo interna pravosudna zabilješka u trajanju od deset godina.

Nagodba oko krivičnih djela zahtijeva saglasnost okrivljenog. Do obustavljanja postupka okrivljeni u svako doba imaju pravo da zatraže nastavak krivičnog postupka.

Okrivljeni u svako doba mogu angažovati advokata ili otići u neko drugo savjetovalište.

Kod maloljetnih okrivljenih zakonski zastupnik ima pravo predati pismeno izjašnjenje. Za pravne poslove koji prevazilaze poslovnu posobnost maloljetnika potrebna je saglasnost zakonskog zastupnika te starateljska dozvola.

INFORMACIJA ZA ŽRTVE

Nagodba o krivičnim djelima žrtvama nudi sljedeće prednosti:

- ... mogućnost da govore o djelu i njegovim posljedicama
- ... ponudu da u povjerljivom okviru govore o problemima, potrebama i očekivanjima u pogledu rješavanja krivičnog djela
- ... potporu u osiguranju svojih interesa kao što je na primjer naknada štete
- ... mogućnost za razgovor sa okrivljenim koji vodi regulator konflikta

Žrtve u svako doba mogu tražiti prisustvo osobe od povjerenja ili advokata. Pored toga regulator konflikta ih informiše o eksternim ponudama u pogledu pomoći žrtvama.

Kod maloljetnih žrtava je za sprovođenje nagodbe o krivičnim djelima potrebna saglasnost zakonskog zastupnika.

Kod odraslih okrivljenih realizacija nagodbe o krivičnim djelima zavisi od saglasnosti žrtve, osim ako ista bude odbijena iz razloga koji u krivičnom postupku ne mogu biti uzeti u obzir.

Odluka o obustavljanju krivičnog postupka je na javnom tužilaštvu ili sudu.

MOLIMO OBRATITE PAŽNJU

Za uspješnu nagodbu oko krivičnim djelima je važno da ste dobro i sveobuhvatno informisani. To je glavna informacija o nagodbi o krivičnim djelima. Naši socijalni radnici su rado spremni da odgovore na detaljnija pitanja. Ostale informacije na njemačkom jeziku možete naći na www.neustart.at

Žene i muškarci trebaju našu pomoć. Ujednačeni miks saradnica i saradnika oba pola čini nas ekspertnom organizacijom u zbrinjavanju posljedica i uzroka kriminalnosti. Iz razloga kompaktne čitljivosti u ovom info listiću koristimo muški rod.